

## U najgorim vremenima drastično povećali prihode

Izvor: BiznisInfo

**Gigant domaće namjenske industrije, kompanija Igman iz Konjica drastično je uvećala prihode u prvoj polovini ove godine, uprkos veoma izazovnoj situaciji.**



U prvoj polovini godine konjička kompanija ostvarila je poslovne prihode od oko 69,4 miliona maraka, u odnosu na 52,2 miliona iz istog perioda lani, te 44 miliona iz prve polovine 2018. godine, piše BiznisInfo.

Skoro kompletni prihodi ostvareni su na stranom tržištu, čime se ova kompanija ujedno pozicionirala i kao jedan od vodećih bh. izvoznika. Poslovni rashodi također su narasli u prvoj polovini ove godine na 67,3 miliona maraka sa oko 48,5 miliona KM.

Firma je ostvarila nešto manju neto dobit u visini od oko 5,5 miliona maraka, u odnosu na oko 8,3 miliona KM iz istog perioda lani.

Podsjetimo da je vodeća domaća kompanija iz oblasti vojne industrije, koja zapošljava više od 1.200 radnika, bila prinuđena jedno vrijeme obustaviti proizvodnju zbog pojave koronavirusa među uposlenicima.

No, to očito nije znatnije poremetilo rad firme koja je ostvarila bolji rezultat nego lani.

